



Inatsisartunut ilaasortaq  
Naaja H. Nathanielsen  
Inuit Ataqtigiit

**Ilinniarnissamut qinnuteqarsimasut akuerisaasimanerminnik allakkatigut kalerrinneqarsimasut maannakkut itigartinneqarsimaneranni Ilisimatusarfik ingerlatsineq pillugu inatsit naapertorlugu eqqortumik iliorsimasoralugu Naalakkersuisut isumaqarnersut § 37 naapertorlugu apeqquteqaammut nr. 206-imut akissuteqaat**

Asasara Naaja H. Nathanielsen

Apeqquteqaatinnut qujanarsuaq.

*Suliamut tunngatillugu paasissutissat piviusut*

Aallaqqaasiullugu ersersinneqassaaq Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik Ilisimatusarfiup qinnuteqaatinik pineqartunik 20-nik suliarinninnera pillugu naammagittaalliutininik tigusaqarnikuunngimmat. Ilisimatusarfik naalakkersuisoqarfimmut ilisimatitsivoq nammineq aammattaaq naammagittaalliutininik tigusaqarnikuunatik. Taamaalilluni naalakkersuisoqarfik suliamut tunngatillugu allagaateqanngilaq, naammagittaalliutininik suliaaqqartoqarneranik takutitsisuusunik. Tamanna tunuliaqutaralugu saaffiginnissutit akissuteqarfigivara, ingerlatsineq pillugu inatsisitigut malittarisassat pingaarnerusut aallaavigalugit. Taamaammat suliani immikkuullarissuni ataasiakkaani, suliamut tunngatillugu allagaateqartoqarsinnaavoq, naammagittaalliteqartoqarsinnaaneranut sunnuteqarsinnaasunik, ataanili akissummi ilaatinneqanngitsunik.

Akissuteqaatip matuma suliarineranut atatillugu naalakkersuisoqarfik Ilisimatusarfimmut saaffiginnippoq, Ilisimatusarfiup suliati ingerlanneqarsimanerannik nassuiaataata pissarsiarinissaa siunertaralugu. Taamaalilluni ataani nassuiaaneq Ilisimatusarfimmit ilisimatitsissutaasunik tunngaveqarpoq.

Qinnuteqartitsinermi ilinniartunngortitsinermilu periutsit pillugit Ilisimatusarfik ima ilisimatitsivoq: Ilinniartunngorumalluni qinnuteqartup qinnuteqaatini nassiuppagu Ilisimatusarfimmi IT-kkut atortorissaarutaanni nalunaarsorneqassaaq. Qinnuteqaat nalunaarsorneqassaaq "utaqqivoq". Ilisimatusarfiup qinnuteqaatit tamaasa misissoreeraangagit qinnuteqartorlu "piukkunnartutut" imaluunniit "piukkunnangitsutut" nalilereeraangagit, qinnuteqartut tamanna pillugu nalunaarfigineqartarput. Tamama kingorna qinnuteqartoq inaarutaasumik akuerisaassaaq, ilutigisaanillu ilinnialernissap akuerisaanera pisortatigoortumik (emailikkut) Ilisimatusarfimmi ilinniarnermi pisortamit nalunaarutigineqassaaq. Allakkami ersissaaq, qinnuteqartoq qaqugukkut ilinnialissanersoq, ilinniartitsineq sumi pisassanersoq, immikkoortortaqarfimmi pisortaq pillugu paasissutissat, ilinniagaqarnerisutini qiornerit qassiunersut, kollegiani inissaq

31-08-2015  
Sagsnr.: 2015-7415  
Dok. nr. 870526

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: ikiin@nanoq.gl  
www.nanoq.gl

pillugu nalunaarut, angalanissat il.il.. Tamatuma kingorna qinnuteqartup pisussaaffigaa ilinniartutut inissap akuerinerata akuerinnginnerataluunniit uppersarnissaa (elektroniskimik).

Maannakkorpiaq sammisamut naleqqiullugu, Ilisimatusarfiup nalunaarutigaa, qinnuteqartut 20-t piffissap ilaani Ilisimatusarfiup IT-kkut atortorissaarutaani kukkusumik nalunaarsoqqasimasut. Nalunaarsuinermi allaqqasimavoq qinnuteqartut ilinnialernissaa akuerisimagaat (naak taamatut pisortatigoortumik neqeroofigineqanngisaannaraluartut). Ilisimatusarfiup qinnuteqartunit 20-usunit tallimat attaveqarfigai, sinnerisali 15-it, julip qiterpaarnerani Ilisimatusarfiup kukkusumik nalunaarsuisimanermik paasisaqarami IT-kkut atortorissaarutini nalunaarsukkanik naqqiinera sioqqullugu, kukkusoqarsimaneera maluginngilaat.

Kukkuneq pisimavoq Ilisimatusarfimmi sulisut ilaata qinnuteqaatit tiguernerani IT-kkut atortorissaarutini "akuerisaasutut" nalunaarsorsimmagait, "utaqqisutut" pinnagit.

Taamaalilluni qinnuteqaatit 20-t pineqartut Ilisimatusarfimmi suli naammassillugit suliarineqanngitsut. IT-kkut atortorissaarutini nalunaarsorneqarnissarigaluamittut pinnatik, allatut nalunaarsorneqarput. Eqqortuuppat qinnuteqartut taakku 20-t "Utaqqisutut" nalunaarsugassaagaluarput, tassami Ilisimatusarfiup qinnuteqartut ilinniarnertuunngorniarnermi naammasseqqaarnissaat utaqqivaa. Tassuunakkut qinnuteqartut soraarummeernermut uppersaataat, karakteriisa agguaqatigiissinnerat ilanngullugu, uppersarneqarsinnaammata. Tassunga atatillugu aammattaaq uppersarneqarsinnaavoq qinnuteqartut agguaqatigiissillugu karakterii ima appasitsiginersut, immaqa aatsaat ilinniartunngorsinnaallutik, qinnuteqartut soraarummeersimanermut uppersaateqanngitsut piginnaasakinneruppata.

Ilisimatusarfiup ilisimatitsissutigaa qinnuteqartut IT-kkut atortorissaarutini kukkuneramik paasinnittut, tamanna pillugu Ilisimatusarfik attavigisimagaat. Qinnuteqartut kissaatigaat isumaginninnermi siunnersortitut ilinnialernissaminnut (inuit 3) aamma peqqissaasutut ilinnialernissaminnut (inuit 2) inaarutaasumik akuerisaanertik uppersarneqassasoq. Tamannalu Ilisimatusarfimmit uppersarneqarpoq (telefonikkut/emailikkut).

Juli qiterpaartoq Ilisimatusarfiup paasilerpaa, inuit 20-t IT-kkut atortorissaarutini "akuerisaasutut" eqqunngitsumik nalunaarsoqqasut, tassami siullertut qinnuteqaatit suliarineqarnikuunngillat aappaattullu (tamanna kingusinnerusukkat paasineqarpoq), qinnuteqartut ataatsimut isigalugu ilinnialernissamut piukkunnarnerpaajunngillat. Tamatuma kingorna inuit tallimat ilinnialernissaminnut akuerisaasutut nalunaarfigineqarsimasut nalunaarfigineqarput isumaginninnermi siunnersortinngorniatut peqqissaasunngorniartullu ilinnialernissamut akuerisaanerat kukkusumik tunngaveqarsimasoq. Tassunga atatillugu qinnuteqartut oqaloqatigineqarnissaminnik neqeroofigineqarput – telefonikkut imaluunniit ornigullutik, taamaaliornikkut nassuiarumallugu kukkuneq qanoq pilersimanersoq. Qinnuteqartumut ataatsimut tunngatillugu Ilisimatusarfiup qinnuteqartup kollegiamiinnissaa sivitsorpaa, inigisani annaasussaassagaluarmagu.

Qinnuteqartut sinneruttut 15-it qinnuteqaatimik itigartinneqarneranik emailikkut nalunaarfigineqarput.

Ilisimatusarfiup aammattaaq nalunaarutigaa ilinnialernissamik akuersissutiviit qinnuteqartunut nassiunneqarnikuunngitsut, taamaammallu aamma tamatuma kingunerisaanik akuersissutinik tunuartitsisoqarani.

Ilisimatusarfiup itigartitsinernut tunngatillugu ilisimatitsissutigaa ilinniakkani ilinniartoqalersinnaaneq killeqarmat, taamaammallu qinnuteqartut tullerriaarneqartartut, qinnuteqartoqarsimasorlu qinnuteqartunit itigartitaasunit piginnaaneqarnerusunik, taakkualu ilinniartunngortinneqarsimasut.

*Itigartitsinerup nalunaarutiginerani kukkusooqarsimava*

Apeqquteqaatinni oqaatigivat illit paasinnittaatsit naapertorlugu ilinniarnissamut akuerisaanerup tunuartinneqarnera ingerlatsineq pillugu inatsimmut akerliusinnaasoq, taamatullu aamma naak akuersineq kukkusumik tunngaveqarluni pisimagaluarpat. Aamma kissaatigivat maleruagassat pisinnaatitaaffiillu ersarilluinnartumik paasineqarnissaat siunertaralugu tamanna misissorneqassasoq

Aammattaaq eqqaavat paasinninnerit naapertorlugu ingerlatsineq pillugu inatsit naapertoraanni aalajangiineq inummut iluaqutaasusaaq tunuartinneqarsinnaanngitsooq, aatsaalli inatsisitigut erseqqissumik periarfissaritinneqarpat tamanna pisinnaasoq. Tamannalu ima kinguneqariaannaasoq inuit matumani pineqartut ilai ilinniarnissaminnik aallartinnissaminnut pisinnaatitaallutik, tassami Ilisimatusarfimmit akuerineqarsimasut kalerrinneqarsimapput. Nangillugu eqqaavat itigartitsineq attatiinnarneqassappat qinnuteqarsimasut tigusaanissaminnut piumasaqaatit naammassisinnaanngikkaat ersarilluinnartumik uppersarneqarnissaat pisariaqassasoq Tamanna nangillugu eqqaavat isumaginninnermut siunnersortitut ilinniarnermut tigusaanissamut piumasaqaatit atuarlugit takusinnaasatit naapertorlugit karakterit aalajangersimasut piumasaqaatinut ilaanngitsut. Eqqaavattaaq peqqissaasut ilinniarnermut akuerisaanissamut piumasaqaatit atuarlugit ilaatigut ilinnialernissamut akuerisaanissamut annikitsumik karakterit aalajangersimasumik imaluunniit karakterit agguaqatigiissinneri ersarissumik piumasaqaataanngitsut, tamanna tunngavigalugu ilinniartunngorniat matumani pineqartut akuerisaasimaneriniq tunuartitsinerup maleruagassanut akarliunersoq nalorninartorsiutaasinnaasoq.

*Inummut iluaqutaasussanik ingerlatsinikkut suliat tunuartinnaasaat pillugit ingerlatsinermi inatsisitigut malittarisassat*

Oqaatsimut "tunuartitsinermut" ilaavoq, ingerlatsinermi oqartussaasup aalajangikkaminik atuuttumik nammineerluni atorunnaarsitsinera. Tassunga tunngatillugu pingaartuuvoq oqartussaasup illua-tungaatigut aalajangikkanik atuuttuusussanik illua-tungaatigullu aalajangikkanik atuuttuunngitsunik atorunnaarsitsinerisa immikkoortinnissaat. Ingerlatsinermut inatsisitit nalinginnaasumik malittarisassai naapertorlugit, aalajangiineq atuuttuunngitsooq pineqarpat, oqartussaasup aalajangiisuusup nutaamik aalajangiinissaq pisussaaffigissavaa. Tamanna tunuartsinermik taaneqarani atorunnaarsitsinermik taaneqartarpoq. Kisianni aalajangiineq atuuttuuguni aatsaat allanngortinneqarsinnaavoq tamanna pillugu malittarisassat naapertorlugit tunuartinneqartut. Tunuartsinermi ajornartorsiutit atsaat pineqassapput, aalajangiineq avammut inatsisitigut atuuttumik sunniuteqarsimappat, taamaassappallu nalinginnaasumik piumasaavoq tiguisussamut nalunaarutigineqarsimanissaa.

Taamaattoq atuuttuuneq atuuttuunnginnerluunniit eqqartortinnagit misissortariaqarpoq ilumut ingerlatsinikkut aalajangiineq pineqarnerseq. Oqaaseq "aalajangiineq" taamaalillunilu suliaq aalajangiiffigineqartoq pillugu Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersumi § 2-mi allaqqavoq, inatsit suliassanik, ingerlatsinermut oqartussaasunit aalajangiiffigineqarsimasunik aalajangiiffigineqarumaartunilluunniit, suliarinninnermut atortuusooq, imaappoq ingerlatsinikkut aalajangiinnermi. Oqaaseqaatit naapertorlugit "aalajangiinnermi" pineqarput inatsisinik tunngaveqarluni pappiarat suliarineri, imaappoq oqaaseqaatit, pineqartumi suup eqqortuuneranik imaluunniit eqqortutut isigineqarnissaanik aalajangiussinissamik siunertaqartut.

*Ingerlatsinermut inatsit suliassat matumunnga naleqqiullugu*

Suliami matumani pineqarpoq IIsimatusarfiup IT-kkut atortorissaarutitut qanoq inissisimasooqarnera nalunaarsorsimagaa, tassuunalu ilimanarsisinnerqarluni qinnuteqartut 20-t isumaginninnermi siunnersortitut peqqissaasutullu ilinniarfinni ilinniartussatut akuerisaanertik takusinnaagaat. Qulaani eqqaaneqartut tamanna IIsimatusarfimmi sulisut ilaata kukkusumik allanneratigut pisimavoq. Kukkusumik allanneq ingerlatsinnermi aalajangiinnermut isigineqarsinnaanngilaq.

Qinnuteqartunut 15-inut IIsimatusarfiup kukkunermit naqqiinnera sioqqullugu "akuerisaasutut" nalunaarsorneqarsimanerminnik paasisaqanngitsunut, taamaalillutillu ilinniartussatut akuerisaanerminnik pissutissaqartumik ilimagisaqarsinnaanngitsunut tunngatillugu, IT-kkut atortorissaarutini nalunaarsuinerup allannortinnerata nalaani, IIsimatusarfiup qinnuteqaatit suliarisimannilai.

Nalilerneqarpoq ingerlatsinermut inatsit naapertorlugi aalajangiineq matumani pineqanngitsoq, tassami taamaallaat kukkusumik allataqarneq matumani pineqarmat, aamma kukkusumik nalunaarut tiguisussamit sulii ilisimaneqalersimannngimmat. Taamaammatt pineqartunut taakkununnga iluaqutaasussamik ingerlatsinikkut aalajangiisimanerup tunuartinnissaa pisariaqanngilaq. Soorunami ajuusaarnarpoq IIsimatusarfiup qinnuteqartunut 15-inut tunngatillugu kukkusumik allataqarsimanera, kisianni ingerlatsineq pillugu inatsisini malittarisassanik unioqqutitsinerunngilaq, IIsimatusarfiup kingornatigut IT-kkut atortorissaarutini naqqiuteqarnera qinnuteqartunullu itigartitsilluni allakkanik nassitsinera.

Qinnuteqartunut tallimanut isumaginninnermi siunnersortitut peqqissaasutullu ilinnialernissamut akuerisaanerminnik paasinnittunut tunngatillugu immikkut nalilersortariaqarpoq, IIsimatusarfik ilinnialersussatut akuerisaanermik nalunaarutip tunuartinnissaanut pisinnaatitaanersooq. Matumanissaaq misissoqqaartariaqarpoq ingerlatsinermut inatsisit naapertorlugit aalajangiineq pineqarnerseq, taannalu atuuttussatut isigineqassanersooq.

IIsimatusarfiup ilisimatitsissutigaa qinnuteqartut tallimat pineqartut IIsimatusarfik attaveqarfisimagaat uppenarsiumallugu ilumut ilinnialersussatut akuerisaanerlutik. Paasissutissat (kukkusut) qarasaasiakkut ivertinneqarsimasut tunngavigalugit IIsimatusarfimmi sulisup uppenarsarpaa, qinnuteqartut ilinnialersussatut akuerisaasimasut. Uppernarsaaneq oqaasiinnakkut allakkatigullu pivoq.

Qulaani eqqaaneqartut kukkusumik allanneq imminermi ingerlatsinikkut aalajangiinertut isigineqarsinnaangilaq. Kisianni Ilisimatusarfimmiit ilinnialernissap akuerisaanerup eqqortuunerata uppersarneqarnera ingerlatsinikkut aalajangiinertut isigisariaqarpoq. Aamma nalilernerqarpoq aalajangiineq atuuttusoq, qinnuteqartut tallimaasut tamarmik isumaginninnermi siunnersortit peqqissaasutullu ilinnialernissamut pisortatigoortumik piumasaqaatit naammassisimammattigit – nalunaarut kukkusumik tunngaveqarluni nalunaarutigineqarsimagaluarpalluunniit.

Ingerlatsinermi aalajangiinermik tunuartitsineq pisarpoq nutaamik ingerlatsinermi aalajangiinikkut. Imaappoq suliat suliarineqarnissaat, naliliinissaq il.il. pillugit ingerlatsinermut inatsisini malittarisassat aammattaaq tunuartitsinermut atuuttut. Tunuartitsineq inatsisilik tunngaveqarluni tunngaveqaraniluunniit pisinnaavoq, aammalu tiguisissamut iluaqutaasinnaalluni iluaqutaanngitsoorsinnaalluniluunniit.

Pisumi matumanerpiaq aalajangiinerup tiguisissamut iluaqutaasussaangitsumik tunuartinneqarsinnaaneranut, pissutsit arlallit ataatsimut isigalugit nalilersornissaat tunngaviusapput. Ataatsimoortumik naliliinermi tassani mianerisassat pingaarnert marluk isiginiartariaqarput. Illuatungaaticut tiguisissap ilinnialernissamut akuersinerup siulliup atuutiinnarnissaanik peqqutissaqartumik ilimagisaqarnera mianerisassaavoq. Illu-atungaaticullu aalajangeeqqaarnerup tunuartinnaasaa pillugu soqutigisat assigiinngitsut, tamatumunnga ilanngullugu qinnuteqartut allat mianerisariaqarnerat.

Pisumi matumani Ilisimatusarfik ingerlatsinikkut aalajangiisimavoq, qinnuteqartunut iluaqutaasussatut isigineqartariaqartumik. Taamaalillutik taakkua Ilisimatusarfiup naqinnerliuineru pissutigalugu ilinnialernissamik akuerisaaneramik nalunaarfigineqarput tulliullugulu oqaasiinnakkut/allakkaticut uppersaaffigineqarlutik IT-kut atortorissarutitigut nalunaarutigineqartut eqqortuusut. Tamanna tunuliaqutaralugu Ilisimatusarfimmi ilinnialernissamut akuerineqartut isigisariaqarput. Ilinniakkami pisortatigoortumik piumasaqaataasunik naammassinniffigisaminni. Taamaammatt aamma nalilernerqarpoq, qinnuteqartut tallimat ilinnialernissatik peqqutissaqartumik ilimagisimassagaat, tamatumalu kingorna ingerlatsinikkut aalajangiineq imminnut iluaqutaasusaaq tatigalugu aqqissuillutillu pilersarusiorsimassasut.

Oqartussaasumit ingerlatsinikkut aalajangiinermik tunuartsiumasumit (uani Ilisimatusarfimmit) siullertut tunngaviumillu piumasaqaat, tassaavoq naapertuuttumik (suliamik tunngavilersukkamik) taama akuliunnissamut tunngavissaqarnissaq. Immikkoortumut pingaarnermut allamut ilaapput soqutigisat – matumani suliamut tunngavilersorneqarsinnaanerut apeqqutaatinnagu – tiguisissamut ajoqutaasumik tunuartsinissamut nalinginnaasumik naammattumik tunngavilersuutaasinnaangitsut. Soqutigisat tamakku ilaattut taaneqarajuppoq pisortat aningaasaqarniarnerat aamma allaffissornikkut ingerlatsinermi naligiissitsinissap assigiimmillu kinguneqartitsinissap qularnaarnissaa. Mianerisassat taakku saniatigut aammattaaq inuit allat - ingerlatsinikkut aalajangiinermik iluaqutissiissumik sunnerneqarsinnaasut - mianerisassaapput.

Ilisimatusarfimmit ilisimatitsissutaasut naapertorlugit, qinnuteqartut tallimat pineqartut isumaginninnermi siunnersortit peqqissaasutullu ilinniakkat aqqissugaanerisa allaaserinerini ilinnialernissamut pisortatigoortumik piumasaqaataasut naammassisimavaat. Kisianni Ilisimatusarfiup erseqqissumik nalilerpaa inuit taakku

ilinniartutut inissamik neqeroorfigineqarsimassanngikkaluartut, nalunaarsuinermini kukkusoqarsimannngikkaluarpas. Ilisimatusarfiup tamatumunnga tunngavilersuutigaa ilinniakkanut tamanut qinnuteqaatit amerlanerat, qinnuteqartullu allat ilinnialernissamut piukkunnarnerunerat, taakkulu ilinniartutut inissamik qinnuteqartunit tallimanit pineqartunit siulliunneqarlutik neqeroorfigisariaqarnerat. Tamatumunnga atatillugu Ilisimatusarfiup innersuuppaa peqqissaasutut ilinniakkami ilinniartorineqarsinnaasut killiligaanerat, tamatumalu nassatarisaanik qinnuteqartut piukkunnarnerugaluit ilinniartunngortinneqarsinnaassanngillat, kukkusumik ilinniartunngortitat akuerisaanerat attatiinnarneqassappat. Ilisimatusarfiup aammattaaq eqqaavaa, qinnuteqartut tallimat pineqartut qinnuteqartunut allanut ilaatillugit ilinniartunngortinneqassappata, siunnersortinngornianut peqqissaasunngornianullu sungiusarluni suliffissaaleqinermik ajornartorsiuteqalernissaq.

#### *Ataatsimoortumik naliliineq*

Naggasiullugu eqikkaanertut oqaatigineqassaaq, naqinnerluineq imminermini ingerlatsinikkut aalajangiinertut isigineqarsinnaanngitsaq. Kisianni Ilisimatusarfiup ilinniartussatut akuerisaanermik uppersaalluni nalunaarnera ingerlatsinikkut aalajangiinertut isigisariaqarpoq. Aamma nalilerneqarpoq aalajangiineq atuuttusoq, tassami qinnuteqartut tallimaasut tamarmik isumaginninnermi siunnersortitut peqqissaasutullu ilinnialernissamut pisortatigoortumik piumasqaatit naammassisimavaat.

Taamaalilluni qulaaniittut aallaavigalugit uanga nalilerpara, matumanisut pisoqartillugu, tassalu ilinniakkani pineqartuni marlunni ilinnialersinnaasut killilersugaatillugit, qinnuteqaateqartut allat piukkunnarnerusullu ilinnialertussatullu akuerisaanerminnik nalunaarfigineqartut mianerinissaat qinnuteqartut tallimat pineqartut mianerinissaanniit salliutittariaqartoq. Taamaalortoqassaarlu qinnuteqartut tallimat pineqartut sungiusarluni suliffissaaleqineq pissutigalugu inissaqartinneqanngippata. Taamaalilluni taama pisoqarnerani, iluaqutaasussamik aalajangiinerup attatiinnarneqarnerata nassatarissavaa, qinnuteqartut allat piukkunnarnerusullu tunuartariaqalernerat. Taamaassappallu taakkunungattaaq naleqqiullugu pineqartussaq tassaavoq iluaqutaasussamik aalajangiinerup atuuttup illersorneqarsinnaanngitsumik tunuartinneqarnera. Taamaalilluni qinnuteqartunut tallimanut naleqqiullugu iluaqutaasussamik aalajangiinissaq - pissusiviusut naapertorlugit – ajornassaaq, ilinniartussatut akuerisaasut piukkunnarnerusullu allat ajoquserniannngikkaanni.

Qinnuteqartut tallimaasut namminneq pisuussutiginnngisaminnik naammaginannngitsumik inissisimalernerat pissutigalugu, aalajangiuppaa Ilisimatusarfik qinnuiginiarlugu, qinnuteqaataasa suliareqqinneqarnissaannik, ilinnialersussanik killilersuisoqaraluartoq ilinnialernissaat periarfissaqarnerasoq misissoqqullugu. Tassunga atatillugu tikkuarpara ilimagigakku Ilisimatusarfik qinnuteqartunut tallimanut pineqartunut naammaginatunik sungiusarlutik suliffissaanik nassaarniarluni immikkut suliniuteqassasoq.

Tamatumani saniatigut Ilisimatusarfik qinnuigivara, qinnuteqartut tallimat kukkusumik nalunaaruteqarsimanerup nassatarisaanik aningaasartuutigiunnagaannik matussuseeqqullugu. Kiisalu Ilisimatusarfimmu piumasarivara, siunissami assingusunik kukkusoqaqqinnnginnissaa isumagissagaat, tamatumunnga ilanngullugu qinnuteqartut qinnuteqarnermi ilinniartunngortitsinermilu periutsit pillugit sukumiisumik

ilisimatinneqartarnissaat, aamma ilinniartussatut akuerisaanermik aatsaat  
nalunaaruteqartoqartassasoq, tamanna pillugu aalajangiisoqareeraangat.

Inussiarnersumik inuulluaqqusilluta

Nivi Olsen